

*ipsas violasse arguamur & ordine ac viâ procedamus, facta resolutione
ellam primo sub examinis incudem vocabimus:*

Sitne huic Enthymemati cogito E. Sum honos demonstrationis
deferendus? *Vel clarius:*

Sitne cogitatio accommodatum medium ad existen-
tiam sui cogitanti demonstrandam?

§. I.

ANtequam autem tractationi ulterius immergamur, Leges bonæ
methodi exigere videntur, ut simplices quæstionis propositæ ter-
minos, à quorum notitia assensus & dissensus, iudicium de veritate
ac falsitate dependet, prius, quantum & necessitas postulat & illorum
explicatio lucis argumento, in quo versamur afferre potest, expen-
damus, ne aliqua latens obscuritas, quæ errorum fœcunda genetrix
esse solet, Lectori in penetrandis nostris sensibus negotium faceat.

§. 2. Agmen autem ac familiam ducit cogitatio, quæ in pro-
positâ nostrâ quæstione subiecti munere fungitur. Docet autem &
ocasio hujus controversiæ, materiæ substratæ conditio, ipsa frons
dissertationis nostræ, præcipuè vero proluxa mentis ac intentionis
nostræ declaratio ac totius præfationis series minimè ambiguum re-
linquit, nos contemplationis nostræ limites in præsentis ultra homi-
nem non extendere, nec de cogitatione in ingenti suâ latitudine ac
amplitude, quâ primò Summo Numini per se & quidem in infini-
tâ perfectione, Angelis & hominibus, nec non illis creaturis intel-
ligentibus, quæ in virtute Creatoris latent non per se, sed per Sum-
mum Numen, non primò, sed posterius, propter dependentiam
ab ipso secundum finitos ac commensuratos perfectionis gradus con-
venit, agere sed tantum de cogitatione humanâ, quæ etsi commo-
dissimè ad evitandam istam prolixitatem in volumen excrecentem,
si conceptum communem ac proprium mente evolvere juberemur,
quod & præsentis materiæ dilucidatio non desiderat, varios tan-
tummodò ipsius modos assignando possit adumbrari atque hoc mo-
do describi, quod cogitatio sit actus immanens facultatis cogno-
scendi animæ rationalis (quæ facultas ab animâ ratione quidem, non
tamen reapse distinguitur) quo anima rationalis, vel potius homo;
(animæ enim corpore laxatæ considerationem etiam hujus
disputationis cancellis volumus exclusam) aut res simplices, id est res
citra